

金石萃編

金石萃編卷一百三十一

賜進士出身 誥授光祿大夫刑部右侍郎加七級王昶撰

宋九

增修中嶽廟碑

碑高一丈二尺七寸廣五尺八寸四分三十三行行七十五字行書篆額在登封中嶽廟

大宋增修中嶽 中天崇聖帝廟碑銘 并序

朝散大夫行尚書比部員外郎知制誥判大理寺

輕車都尉賜紫金魚袋臣陳知微奉勅撰

翰林待詔朝散大夫太子中舍同正臣邢守元奉

勅書并篆額

臣聞融結斯分岩堯列峙秀出莫方之勢財成育物之功嶽鎮之炳靈也陰陽靡測變化難窮周大塊以無方助鴻鈞而不宰至神之妙用也交修享祀對越

神祇望秩于山川薦馨于簠簋有國之茂典也尊崇顯賜增葺殊達備物以致嚴祈視而庇俗

帝王之精意也四口還相爲用然後能罄昭事而膺純錫矣非聖人撫運時何以臻于是乎巖巖維嵩作鎮中夏控制輶輳之域連延邦郛之區拳石流形自胚渾而特起土圭測影驗寒暑之無訐舜典紀平時巡周詩壯其峻極加以功宣化育德輔沈潛四象相生惟

土也周流乎八卦羣山旣列惟崧也磅礴乎三川居然  
神秀之姿莫測密高之狀是使真仙攸託環瑞沓臻石  
壇騰金壁之輝天井潛蛟龍之穴鳳笙鶴馭嘉子晉之  
嬉游石髓玉漿見茂先之博識草木以之而效異峯巒  
由是而標奇貝葉扶疎疑生於淨土神芝菌蠢幾秀於  
中林許由韜晦而不還漢武封崇而有自三臺峭拔想  
翠輦以曾臨二室穹隆顧赤霄而可接宜乎配天而比  
峻鎮地而稱雄者也洪惟 至靈宅茲勝壤居中正  
位受 命於紫清毓粹含章顯仁於博厚體嫗煦生  
成之造茂 聰明正直之脩得一生三真符於道妙

知來藏往莫究乎幾微不應屢彰羣情斯屬眷惟歷代  
率勵明誠顧名級以是分亦典章而盡在衮衣焜耀視  
公爵於成周羽蓋蔽麤進王封於天寶雖申仰也未極  
推崇允契 昌辰彌昭盛則 烈祖以建邦立極

禁暴勝殘革五代之澆漓副萬方之愛戴啓 炎靈

之祚本自一戎宣震耀之威成清九服蕩除僭偽馴致  
治平言念環詞寶居溫浴式奉苾芩之祀聿增輪奐之  
規正乎信辭不我殊祉 神宗以時膺下武化治同

文澈烽燧於邊陲列膠庠於郡國干戈載戢美播乎聲  
詩俎豆斯陳動遵乎典禮瞻彼靖寘之館素繁陰陽之

仁寅奉有加修營廩息資縣長於永靈聳壯觀於黎氓  
誕集蕃釐爰鍾濬拈

崇文廣武威天尊道應真佑

德欽明上聖仁孝皇帝撫

重熙之景運嗣

二聖之元基觀乙夜之書詳求治本布陽春之澤溥浸  
含生鑒因草於前王治謳謠於庶品恭天兩地法亭毒  
以無私一日萬機示躬親而靡倦威加卉服德被鴻荒  
顙頊絜誠必先乎祭祀唐堯稽古用廣乎文思溫恭既  
邁於有虞勤儉更邁於伯禹好問則裕成湯唯務於永  
圖建官惟賢周武於焉而大志升王猷於八表式帝命  
於九圍欽恤刑章命輶軒於列郡昭宣德化賜束帛於

高年睦鄰遂息於佗儒教學過臻於友悌下勸農之詔  
與力稽而有秋精取士之科以得人而爲盛仁心格乎  
動植孝感達于幽遐按蹕 諸陵肅展奉 先之

志燭柴吉土虔伸報本之儀一變淳風爰臻淨治然猶  
兢兢馭朽翼翼持盈端委嚮明茂對重離之位儲精垂  
思深窮衆妙之門黃屋非心 紫口降鑒元夷之使戒  
之以先期 綵字之書授之於獻歲諭以大中之旨崇  
乎清淨之風同河洛之秘文紆 皇王之嘉瑞欽承

寶命迭舉

鴻儀揜玉岱宗仰答

慶靈

之祐奠琮口壤止祈豐楙之祥秘祝無聞蒸藜是賴既

畢頌祇之禮仍覃在宥之恩禹會斯嚴俾諸侯之肆覲  
秦川載覽飭萬乘以言旋惟法御之經塗迨祠官之舉  
職皆申潔祭咸秩無文矧彼崧高鎮茲京邑宅中圓大  
斯惟之鼎之郊生甫及申寶乃降神之嶽風存 廟

猷多歷歲時朕制未隆斯民何仰道不終否時逢會昌  
粵惟守土之臣實奉保釐之寄因崇祀事周覽逖除露  
姿以闡獎加必葺況升名帝籍早奉於徽章 列像

神阜載嚴於恭館重以覃研

聖慮彪炳

乾文

奉

神既折於微言垂世永存於懿鑠而

宅靈

之地棟宇未崇增肅

宸襟特頒明詔大中祥符紀



號之六年癸丑歲季夏月於是乎命中使登高丘造嚴祠數 睿旨消吉日協靈辰梓匠授其全謨林衡度

其貞幹因乎舊制煥以新規甃巨石以瑰琦廣餘基而顯豁鳳斤載運雲鍾偕興鳩功靡奪於農時經費咸資於御府崇墉繚繞屹若雲連秘宇深沈呀如洞啓文樅鏤檻燦琳碧以相輝銀榜璇題對煙霞而綢衫而又

神靈之迹應見之徵假綰事以章施俾民瞻而竦畏聿成壯麗愈洽豐融袞袞珠旒端 辟儀於正寢祿

衣闕翟昭

盛服於中闕羽衛駢羅簪裳拱侍以至

會同

四岳森列羣神展像設於回廊赫

威容

於福地嚴警巡之次蓋法周禮敞齋宿之宮爰資潔志  
若乃性牲克脩鼎俎惟寅嘉薦尙乎吉蠲至誠通於肝  
蟹垂鴻不朽率禮無違至乙卯歲季夏月載歷炎涼厭  
功告畢增修殿宇并創造碑樓等共八百五十間移塑  
尊像及裝口新舊功德畫壁等共四百七十所至  
矣哉荐興雲栴載擁 神休真介福之奧區乃集靈

之遠宇也宜乎茂昭純嘏不冒黎元躋舊蔚之容涵滋  
品彙峻巍幾之質等固 蘿圖必資鴻碩之流式志

修崇之美而臣才非穎曜學本空疎徒塵切近之司莫  
著揄揚之效遽承 芝檢輒叩蕪音徵黃絹之辭誠

慙麗深刻翠珉之字曷暢

微猷但謹歲時敢爲銘

曰

太極肇判 二儀乃分 草木麗地 山川出雲 風

雷噴薄 氣象絪縕 惟茲列鎮 實煥前聞 崧高

峩峩 蟠亘千古 如穀處中 如日當午 遠控伊

洛 挺生申甫 羣岳之宗 列真之府 崛起隆阜

削成奇峯 窪鬼旣結 純粹攸鍾 山聲表瑞

漢益戶封 土德符慶 啓致時雍 靈壤開基 明

神是宅 廟貌斯存 威嚴有赫 雲惟高張 巖扉

巨闕 輔彼柔祇 居爲勝域 粵惟往古 咸勵欽

崇軒裳孔異爵秩增隆國章雖盛臣位攸同  
允屬昌運爰推至公綽典有加鴻儀載肅  
濟談天衷昭升帝錄展座斯皇口旒允穆備  
極寅恭惟新散穀祠遶夙設歷歲滋深金鋪  
雨駸玉卮苔侵宜崇偉觀式契靈心守臣飛  
奏宸旨遐臨乃降輜軒爰徵梓匠卽奮謀新  
重規大壯架險陵虛稱雄四望神化難名  
翬飛莫狀虹梁偃蹇藻井芬敷雲羅掩映霞  
綺紫紆高齊絕嶽永鎮名區刊諸琬琰禁以  
樵蘇鑿豆有楚犧牲是薦笑祝陳信樽羹致

奠能事斯畢 明靈乃眷 祚我皇圖 彌鍾錫美

軋興元年歲次壬戌六月己亥朔十六日甲寅建

御書院祚應臣沈政臣鄒義等刻字

按軋興元年二月眞宗崩仁宗卽位碑文稱崇文廣  
武感天尊道應眞佑德欽明上聖仁孝皇帝則眞宗  
天禧三年以前所上尊號也蓋修廟之役始事于祥  
符六年癸丑畢功于八年乙卯知微奉勅撰文亦在  
此時更數年而後勒之石耳王曾中嶽廟碑陳彭年  
北嶽廟碑所書尊號欽明二字在上聖之下宋史東  
都事略並同獨此碑欽明在上聖上不可曉

潛研堂金石文

尾跋

碑爲大中祥符六年癸丑至乙卯歲增修殿宇創造  
碑樓而作陳知微宋史有傳邢守元書亦謹飭似唐  
人又有所書北嶽安天王元聖帝碑

中州金石記

按中嶽廟自大中祥符四年加號中天崇聖帝至  
七年立碑方已見前此碑云六年季夏命使修廟  
是加號立碑正在修廟之時矣修廟之役勅于六  
年季夏畢于八年季夏功僅兩年而立碑則距竣  
工後八年奉勅撰文者陳知微史傳稱知微字希  
顏高郵人由荆湖南路轉運使拜比部員外郎知

制誥判吏部銓兼刑部又判司農寺糾察在京刑  
獄天禧二年加玉清昭應宮判官俄以疾卒而不  
言其判大理寺畧之也其卒在天禧二年則此文  
作於二年以前矣書者邢守元無傳天下金石志  
但載其所書北嶽安天聖帝碑而不及此碑是其  
所遺也

### 永定陵采石記

碑高八尺一寸五分廣四尺許三十一  
行行六十五字正書篆額在偃師縣

### 永定陵修奉採石記

京西諸州水陸計度轉運使朝請大夫行尚書兵部

貢外郎護軍□□瑾篆額

文林郎守河南府緱氏縣主簿管勾採取般運 山

陵石段樂輔國撰

若乃土圭定國卜洛處二宅之雄地鎮乘靈維嵩冠五  
番之首風雨之所會陰陽之所和□然□天地之心緯  
爾是 皇王之宅□□□□實曰名都 我

國家運契隆興

創業垂統創平多壘奄宅中區

京邑宅□□之師城闕有□□之衆□水陸五  
□之□□□萬□之饒所以□淮汴之□游爲

都畿之勝地比之全盛又絕擬倫伏自

太祖



太宗應順天人追尊

祖禰欽崇

懿號□奉

寢園乃於定鼎之□以□

藏

金之地爰從吉兆實建宏□□舉

□□□□□

□□□□□道隆聿鍾

萬世之基

大行

皇帝祇□

璿圖恢融

寶命啓迪精妙逢

□粹和□□□□二聖之令猷超九皇之懿範

睿文冠古窠經天緯地之源

神武膺期□□□

反正之業

仁以守□

孝以奉

光

四時固絕於畋遊七廟弥敦於

恪謹爰自

君臨兆庶

德服華夷運

神業於遐荒

執利器於掌握四夷口叙不施烽燧之輝百姓乂安不  
議軍旅之事綿口怙泰盛節交修翠巘泥金聿舉增高  
之典神雕翼壁復施益厚之功以至延欽馭於

宸清授

珍符於

秘殿奉

希夷之海昭示

仙源瞻

粹穆之容延昌

寶祚顯

道宗之積累則

幸景毫以

朝真答

紫口之貽口則欽陽郊而薦

號顧

能事之畢舉仍

宸念以增虔

盱眙萬機

口勞庶務六一丹就口口無詆

鼎之緣二十功成口后有攀

騁之歎莫不哀纏

聖嗣痛結

宮闈

六龍未達於杳

冥四海口聞於遐密倏臨遠日爰土廣阡指瀕澗之濱  
口蒼梧之野庀徒集事豈易其人口

命威塞軍

節度使侍衛親軍步軍副都指揮使夏公

字恩

充修奉

部署

左驍驍使忠州防禦使入內都知藍公

字宗

充修奉鈴轄

二公

先朝拔擢之恩副

簡宁選掄之寄同心戮力夙夜在公仗鉞而來口以  
便宜從事募諸道口土工匠來赴力役

表請文武

官口使命不掌其事雖欽承

治命以儉約而處

先而遵法古儀在堅固以爲事計用數砌

皇堂

石二万七千三百七十七口門石一十四侍從人物象  
馬之狀六十二口口名山志比尋訪緱氏縣南有栗子  
嶺者蓋少室之西山萬安之東嶺也多產巨石巖稜溫  
潤罕與爲比輔國口居麾下仍屬隄封首口口口口  
計置還口口口口口乃 命中貴內殿崇班李知常

左侍禁李丕還與輔國同辦其事部領工匠四千六百  
口山并般運共口二萬七千茲山也口入煙蘿口口峭  
口口口行口杳絕居民固無甘泉以充日用汲引甚遠  
飲飲或愆士民之心方增勞止忽有石泉一眼湧出并  
巖谷口有清泉一派口口山址其源深而流長其味甘

而且美挈瓶而至□□雲屯熬熬之心不勝其樂儻匪  
一人之孝感 二公之至誠不能致也拜井  
水湧詎心於耿恭剗山泉飛靡專於李廣挺生傑出何  
代無人此山舊□神祠綿歷□歲棟宇摧壞且基址具  
存□□□議其完葺揆諸材瓦假力餘工曾未決旬  
儼然新廟異其降福以庇茲民復有靈虵出爲瑞應其  
色皎紫其狀蜿□爰有飛章達于 天聽特

詔中使頒

睿旨賁名香率道流二七人建靈

場三晝夜并設清醮以答神貺而又屢宣

宸慈

撫恤士伍餌以醫藥

資以物帛羣情感激罔不盡

心每梯霞躡雲松崖抱樓若屈十地咸欲先登雋塚之  
聲聞數百里凡所攻探應手而得鄰令所出口同影響  
般輦相繼有若風雷而未及前期厥數大脩自莽春之  
令序遠獻裘之屈辰以日繫時其功就畢泊乎充用抑  
有美餘輔國獲處下風叨預陳力脩觀事實仍仰

徽猷秉筆直書詞亦無媿至於崇奉

陵域種植

松楸嚴肅

威儀秘邃

宮闕規模宏壯制

度久長亦

二帥之輸忠諸君之協贊固不可得而

備言也聊書採石一時之事乃萬分之一二矣時乾興

元年八月十日記

左侍禁提舉 山陵逐程排塹及馬通鋪管勾採取  
般運石段李丕遠書口刻字

內殿崇班提舉 山陵逐程排塹及馬通鋪管勾採  
取般運石段李知常

山陵修奉鈐轄左騏驎使忠州防禦使入內內侍省  
都知勾當皇城口口慈肅隨 駕口口藍系宗

山陵修奉部署侍衛親軍步軍副都指揮使威塞軍  
節度使夏守恩

億按俾漫漶尋其可與史證者惟藍繼宗見禮志志  
云山陵按行使藍繼宗言據司天監定永安縣東北

六里曰卧龍岡堪充山陵今碑云繼宗充修奉部署  
又云山陵修奉鈐轄以見繼宗必初爲按行而後又  
充修奉史載或不備附於此見之也職官志使職兼  
領者親祀南郊則有大禮禮儀函簿橋道頓通五使  
籍田泰山封禪汾陰奉祀恭上寶冊南郊恭謝皆如  
之案橋道頓通使當太祖崩而太宗時尹開封固嘗  
任之尋又兼五使則志於大喪充使職者亦當列之  
志內然竟未收入何與豈以國恒諱而不書與記所  
載李丕遠李知常並有提舉山陵逐程排頓及馬遞  
鋪等職蓋亦頓通使之遺也故著之以補史闕

臣師金石



按此碑篆額者但存其名瑾而泐其上二字以史考之當是鍾離瑾也傳稱瑾字公瑜廬州合肥人由淮南轉運副使歷京西河東河北轉運使改江淮制置發運使累遷尙書刑部郎中碑結銜云京西諸州水陸計度轉運使當卽傳載京西轉運使而兵部員外郎傳特從畧耳撰者樂輔國無傳史有樂史之子黃目傳稱黃目字公禮撫州宜黃人世仕江左李氏其子理國爲衛尉寺丞定國爲大理評事疑輔國亦黃目之子或史畧之也文稱緱

氏縣南有粟子嶺有石泉一眼湧出因葺舊祠爲  
新廟復有靈蛇出爲瑞應今檢河南通志皆不載  
惟云真宗陵在鞏縣城西南蓋當時山陵在鞏縣  
采石在緄氏也碑文敘夏守恩藍繼宗二人碑末  
增叙李丕連李知常二人二李無傳夏守恩傳稱  
字君殊并州榆次人天聖初加步軍副都指揮使  
威塞軍節度使爲永定陵總管史惟總管與碑之  
稱部署異餘官皆同然云天聖初則史誤也山陵  
是乾興元年事非天聖初藍繼宗宦者傳稱字承  
祖廣州南海人仁宗卽位遷左驤驎使忠州防禦

使永定陵修奉鈴轄與碑合碑下云勾當皇城司  
則繼宗原官下又有整肅隨駕等字舉以入街則  
傳所無真宗謁陵東封祀汾陰繼宗皆隨駕此必  
當時繫銜有此名而史畧之又繼宗之爲按行事  
非一次太宗時按視大小洛門二砦元德章穆三  
后葬爲按行園陵使特修奉永定陵傳無按行之  
文而別見於禮志碑亦不言先按行而後修奉且  
碑文明言充修奉部署者夏守恩充修奉鈴轄者  
藍繼宗偃師金石錄云繼宗充修奉部署誤也

統縣重修至德常寧觀記

作高四尺八寸七分廣三尺二寸三  
行行四十二至四十八字不等行書

鳳翔府號縣重修至德常寧觀記

進士高安撰

進士趙綱書

稽康言神仙雖目所不覩而傳記所載其必有之此乃  
特稟異氣非積學能成議者紛紛莫能一致其詎微詠  
妙則謂之昌言其攻短捨長則稱爲誕說或引軒轅黃  
帝埋弓劍攀龍驤以證必然之理或舉秦皇漢武梁滄  
海拜竹官以明無口之驗其僞迷於千口褒貶興於百  
家若迺黼黻冲虛丹青紫府湧泉源於言下橋星辰於

筆端則王母雙成凜然可揖或指斥道教折衝仙籍散  
風霜口春晝森矛楯於青藜則列子莊生昭然可咎俾  
下士遂其豚負口聞昧於是非殊不知今古相遙天地  
至廣動植賦象質類性垂魚化虎變木連理草三秀萬  
物口口口口之不可信也若然則濡毫之士不得不  
探幽蹟微深扣希夷之境况復責詞蟬蛻之地當凝思  
擗管意口焉而罔决將取監前聞始知叔夜之論最爲  
絕妙而矧於留倩丹鼎引領金闕慕緱山之舉手窮桃  
源以索路落落動羽化之思颺颺起凌雲之心能不噉  
味得旨迥酌精義得非徹骨入神之所寶惜乎量排簪

輔軻之士未易輕喻也按縣圖經有常寧觀在邑之南  
斯則前代賜額之巨宮也流俗傳皆有劉真人輕舉是  
地歷五代離亂碑碣埋沒止有石蓮座誌百餘言說劉  
經張陵樊夫人全家上口以證其事似符流俗之傳疑  
者雖屋宇殘毀口至磨滅斯又若人民欽其前聞不忍  
使芳跡之永絕也故觀之內惟有石像一尊古殿一座  
風雨暴露香火寂寥至  
邑令嚴公來莅此縣率  
道布政厚德薄刑復觀

聖口勝槩口興靈迹具  
舉故慨然有菁脩之志於是命歧下賜紫道士顧頊公  
自忠以主之俄有高泉道人趙公從謙自號慙愧導引

辟穀僅三十載課釋典持口口俱盈數十萬卷混真好  
酒時發微機可謂負拔俗之大名蹈高世之芳躅知

嚴令之賢誠足振其大道縣是捨錢數十萬市瑰材  
召碩匠新大殿建道堂散客廳廓厨宇回廊曲檻青頂  
綠梯翼翼嚴宮若歲而就若乃宗聖教貴遺址萬工千  
木脩口公門草故鼎新速於衆力儻非尊道之名宰博  
施之選士則前古福地竟爲禾黍矣若夫驗興廢明會  
遇又匪偶然矣 嚴令齋經始之謀慙愧挺圖終之  
誓言必合動無拒若商聲之應宮迅流之赴海聞之可  
以靖人神觀之可以快人意是能築宏基於久隳鼓真

風於已墜者也而況趙公願心方銳若俟九仞之山連  
成而簣土始進其能自止乎不幾年更覩其樓閣□□  
金碧燭日也□邑民矣才學無□□□屬嚴  
公秩甫滿□命爲記安亦欲紀公之休烈因願多讓敢  
自謂雄文□但紀古觀中興年祀矣時

大宋天聖五年歲次丁卯九月一日戊戌朔九日丙  
午建

儒林郎行縣尉兼主簿張文質

賜紫道士觀主顧頊自忠

承事郎守號縣令嚴望之



高泉道人趙從諱建

小師道士□□□

清河張志刊字

按宋之號縣屬鳳翔府元時省入寶雞縣今檢陝  
西通志祠祀寺觀卷寶雞縣不載至德常寧觀

勸慎刑文

石高六尺六寸八分廣三尺六寸五分  
三十三行行六十一字正書在西安府

勸慎刑文并序

正奉大夫守禮部尚書充集賢院學士判西京留司  
御史臺柱國南安郡開國公食邑四千三百戶食實  
封陸伯戶賜紫金魚袋晁迥述

序曰嘗覽朝士所述戒教生文服其善利居□□續之以贊而資助之大旨惜乎生物之性焉惟人萬物之靈厥理尤重因而別撰勸慎刑文明引善惡報應亦冀流播警悟當官之吏疚心于刑廣樹無疆□□也 文

曰易稱君子明慎用刑而不留獄至矣哉前經格言凡斷獄者既明且慎而不滯留吏訓詳悉無□于此

國家歲舉恤刑之詔賜天下長吏條□甚備而年祀滯

遠因循怠忽若能視之如新奉行彌篤哀矜服念不失其職此乃以惻隱之仁崇樹勝因□□佗等萬萬隻殊矣口得情勿喜先哲垂戒者蓋口道化之末而及于禮

禮防之末而及于刑刑以輔政弗獲已而用之也不當  
銳意以快其心然有便宜從事口用其刑者必須事出  
權變以去巨蠹安齊民爲口非可常用苟不以此但好  
深刻爲盡理酷暴爲絕倫窮極殘忍自徼赫赫之名者  
非公也是私也違古聖欽哉之訓其有濫而不明輕而  
不慎用情樂殺於人者殃咎讐咎安可勝紀布在信史  
可舉大端有如西漢寧成以郎謁者事景帝猾賊任威  
稍遷至濟南都尉其治如狼牧羊號曰乳虎至武帝卽  
位爲內史而外口口毀成之短成遂抵罪具鉗又周陽  
山居二千石中最爲暴酷後爲河東都尉與其守勝屠

公爭權相告言勝屠公自殺而山棄市又義縱爲定襄  
太守掩獄口口罪二百餘人及賓客昆弟私入相視者  
亦二百餘人皆捕鞠奏請殺之後爲右內史以廢格沮  
事棄市又王溫舒爲河內太守好殺行威捕郡豪連坐  
千餘口口奏殺之及爲右內史有人告溫舒受錢姦利  
事其罪至族溫舒自殺又尹齊爲淮陽都尉所誅滅甚  
多及死仇家欲燒其尸妻亡去歸葬又嚴延年爲河南  
太口用刑刻急總集屬縣囚論殺之流血數里河南號  
曰屠伯其母謂延年曰天道神明人不可獨殺也我不  
意當老見壯子被刑戮我今東歸與汝掃除墓地耳

餘

延年果坐事棄市東漢段紀明爲司隸殺蘇不韋并

滅其族及紀明爲陽球所誅天下以爲蘇氏之報焉又  
胡种爲司隸投尉與王宏有隙及宏遇李傕之難口獄  
种遂迫切殺之宏臨命詔曰胡种樂人之禍禍將及之  
种後眠輒見宏以杖擊之因發病數日而死後魏時御  
史中尉王顯以宿憾奏中庶子元壽與誹謗口廷宣武  
賜壽與死臨刑顯謂其子曰我棺中可置紙百張筆兩  
枚欲訟顯於地下若高祖之靈有知必取顯及孝明卽  
位顯尋被殺隋時梁敬真爲大理司直口帝忌魚俱羅  
令敬真治其罪遂希旨奏俱羅擊賊敗衄陷之極刑未

幾帶真有疾見俱羅爲之厲數日而死唐郭霸爲監察御史嘗推芳州刺史李□□榜捶□□不勝而死其後見□□從數十騎止其庭曰汝狂陷我我今取汝霸周章惶怖援刀自刎其腹斯須蛆爛矣又崔器爲御史中丞性陰刻樂禍奏其陷賊官□□死後器病脚腫月餘漸亟瞑目則見京兆尹達奚珣器但叩頭口稱大尹不自由如此三日不止而死又舒元與爲監察御史亳州境有羣賊剽劫而累政□□不獲刺史李繁潛設機謀悉知賊之巢穴盡加誅斬時議責繁不先啓聞於廉使涉擅興之罪遣元與覆治之素與繁有隙復以初官銳

於生事乃盡反其口口奏繁濫殺無辜勅賜繁死及元  
興被禍人謂有報應焉後唐西方鄴爲寧江軍節度使  
爲政貪虐判官譚善達每歲其失鄴怒令左右告善達  
受人金下獄拷口遂殺於獄中無幾寢疾時見善達入  
其戶俄卒於治所惡報之類有如此者善報之類謹曰  
無之西漢丙吉以故廷尉監被詔治巫蠱吉力拒使者  
以保長安口武帝感寤因赦天下恩及四海至宣帝知  
吉有舊恩將封侯以報而吉疾病帝憂其不起太子太  
傅夏侯勝曰臣聞有陰德者必饗其樂以及子孫今吉  
非死口也果病愈後五歲代魏相爲丞相又于公者其

閭門壤父老方其治之于公曰少商大閭門令容駟馬  
高蓋車我治獄多陰德未嘗有所冤子孫必有興者至  
□□國爲丞相永爲御史大夫封侯傳世東漢何敞六  
世祖比干爲汝陰縣獄吏決曹掾平活數千人後爲丹  
陽都尉獄無冤囚武帝征和三年三月辛亥大陰雨□  
有老嫗可八十餘求寄避雨□甚而衣履不濡漬雨止  
送至門謂比干曰公有陰德天錫君策以廣公之子孫  
當佩印綬因出懷中符策狀如簡以授比干□□本始  
元年自汝陰徙平陵代爲名族又虞詡祖父經爲郡縣  
獄吏按法平允務存寬恕嘗曰東海于公高爲里門而



其子定國至丞相吾決獄六十年矣雖不口于公子孫  
何必不爲九卿故字詡曰升卿詡後爲尚書僕射又袁  
安明帝時爲楚郡太守治楚王獄所申理者四百餘家  
皆蒙全濟章帝時安位至司徒生蜀口口守京京弟敞  
爲司空京子湯爲太尉湯子成爲左中郎將成弟逢逢  
弟隗皆爲公後魏高允爲中書侍郎轉令監評刑三十  
餘載內外稱平每謂人曰吾在口口時有陰德救濟人  
命若陽報不差吾壽應享百年矣九十八而終唐徐有  
功則天時爲司刑丞酷吏周興來俊臣丘神勣等構陷  
無辜皆抵極法詔下大理口口功皆議出之前後濟活

數十百家累遷□刑少卿以諫奏枉誅者三經斷死而  
執志不渝酷吏由是少衰時人比漢之于張焉先是潤  
州刺史竇孝謹妻龐□□奴所誣當坐斬有功明其無  
罪至明皇時孝謹子希城請以己官讓有功之子以報  
舊恩有功之子由是遷官又陸元方則天時爲宰相臨  
終曰吾陰德□□□矣庶幾乎福不衰其後元方子象  
先爲宰相景倩爲監察御史景融爲工部尙書景獻爲  
屯田貳外郎景裔爲庫部郎中並有美譽噫所勸無忘  
慎刑勤□□□區區援引皆正經正史敢告深識之士  
三復而盡心焉

此宋晁迥述自古酷吏循吏之報應以爲用刑者勸  
文冗似點鬼而書方整勁拔有歐陽率更法稍遲其  
道逸耳碑無書者姓名以后慎刑箴碑証之當爲盧  
經書

石墨  
鐫華

### 慎刑箴

石高六尺六寸三分廣三尺三寸五分二  
十一行行四十四字正書篆額在西安府

### 慎刑箴

并序

正奉大夫守禮部尚書充集賢院學士判西京留司  
御史臺柱國南安郡開國公食邑四千三百戶食實  
封陸伯戶賜紫金魚袋晁迥述

河口府進士盧經書

將仕郎守鳳翔府岐山縣主簿龐房篆額

書曰欽哉欽哉惟刑之恤哉又曰與其殺不辜寧失不經好生之德洽于民心禮曰刑者側也側者成也一成而不可變故君子盡心焉斯乃古先垂世之文布在方策之著明者也

聖朝順考古道以御萬邦建官

率屬尤重其事漢書曰張釋之爲廷尉天下無冤民于定國爲廷尉民自以爲不冤噫凡親民莅政司刑典獄之官若能明慎深切法漢之張于二賢則仁德之口無出於此至如踐卿相之位固當然也魯莊公曰小大之

獄雖不能察必以情路溫舒曰天下之患莫深於獄捶  
口之下何求而不得又周勃有大功歷尊位威望素震  
及坐事被攝猶歎獄吏之貴是知愚弱之民苟嬰縲紲  
則鍛口誣服者可勝言哉故俗語曰畫地爲獄議不入  
刻木爲吏期不對此皆悲痛之辭也迺嘗接深識鉅賢  
先生之論口爲食祿之士固當惻隱濟衆自求多福殖  
福之法必須善利及人善利之要莫若慎刑最爲急務  
餘皆不足爲比口先生又云慎刑之至者旣知其幽圉  
可恤當視所治之人皆如己子必在乎始末疚心而軫  
念焉無怠忽無苛留口報應之的其福稱是理貫神明

灼然無疑又云聽訟折獄至于誅刑次第之閒必具四德公清首之先正自心勿爲勢利所遷一也明察次之與其事始勿至變亂成或二也仁恕又次之旣得其情哀矜而勿喜三也平允又次之獄具取決無庸上下相厭以刻爲明四也四者備矣何慶如之迺先述勸慎刑文明引經史中善惡之報達諸聰口今又作此慎刑箴續而助之敢告英才上智必信勤行與諸同志者更相導諭廣樹陰德大則合仁者安仁之安口亦獲智者利仁之利也易哉當職幸垂精鑒其箴曰

刑之所設 禁暴防淫 慎口戒溢 利澤惟深 如

燭於闇 如拯於沉 所以君子 必盡其心 慎刑  
本仁 仁者多壽 濫口獲報 天網不漏 嚴母先  
見 于公有後 願布斯文 置諸座右

皇宋天聖六年歲次戊辰五月乙未朔十二日丙午  
上石立於永興軍 至聖文宣王廟

陝府西諸州水陸計度轉運使兼本路勸農使宣德  
郎守尙書兵部員外郎護軍賜紫金魚袋李周士  
陝府西諸州水陸計度轉運使兼本路勸農使中大  
夫尙書刑部郎中直史館上柱國賜紫金魚袋杜詹  
安衆禪院主悟本大師惠口監刻字

迴旣作慎刑文又爲是箴刻石永興軍文宣王廟卽  
今西安府學碑立于天聖中是時迴判西京已年八  
十餘矣召宴太清樓旣而獻斧展慎刑箴是此耶中  
多爲長吏語似非上天子者迴爲殿中丞時失入死  
囚奪二秩故晚年津津慎刑如此耳書碑者進士盧  
經大有歐法并可存也

石墨  
鏤華

按前篇慎刑文及此篇慎刑箴皆晁迴撰慎刑文  
述用刑善惡之報應此碑則勸人廣樹陰德而用  
韻語系于末箴云願布斯文置諸座右則非對君  
上言矣史傳載迴字明遠世爲澶州清豐人自其



父佺始徙家彭門舉進士累拜工部尙書集賢院  
學士判西京畱司御史臺仁宗卽位遷禮部尙書  
居臺六年以太子少保致仕天聖中進太子少傅  
獻斧屨慎刑箴大順審刑無盡燈頌凡五篇卒贈  
太子太保謚文元迺通釋老書以經傳傳致爲一  
家之說云云其所著道院集十五卷晁公武郡齋  
讀書志載入別集云五世祖文元公歷官臨事未  
嘗挾情害人以售進保全護固如免髮膚之傷真  
宗數稱其長者李獻臣言其服膺墳典耆年不倦  
少遇異人指導心要不喜術數之說疑文滯義須

質正後已文章典贖書法楷正時輩推重其所著  
昭德新編三卷法藏碎金錄十卷錄入四庫全書  
總目提要謂昭德新編爲其晚年所作因居昭德  
坊故以名書法藏碎金錄乃天聖五年退居昭德  
里所作皆融會佛理隨筆記載据此則此二碑所  
作亦在退居昭德里時矣碑中述古人用刑之禍  
福大致亦勉人爲善而兼入于釋氏者此文非對  
君之語非獻上之箴其用以獻者殆別一篇且傳  
載獻箴頌五篇在進太子少傅之後此碑刻于天  
聖六年結銜無太子少傅字則作于致仕之初年

益可證之文元壽至八十餘其子孫如公武等皆以文學名至二百年弗替爲善之報綿延無窮以視漢之于張抑又過之錄此亦足爲世勸也

文安公牡丹詩

石高五尺三寸七分廣三尺三寸二十八行行三十六字行書

廣平口口僕射文安公牡丹詩十首

口底春處卽口春粉面口相口番新語得必傳天上事  
摘來真是掌中身百花推戴教爲主口日妖口欲口人  
無可奈何口愛惜少偷金藥咽芳津

日華鮮麗露華濃梳洗香朝鏡口容來在夢中甘化蝶

人伊心裏不如蜂宮娥捧擁西施醉天樂隨闌彌國風  
高抑浮口須繼燭玳簪分載酒千鍾

春心相惜最相親湘葉忒忒換翠裙雙蒂喜如嬪二女  
一枝愁似寡文君艷繁誰卷真珠看香好曾歌琥珀聞  
深染鮫綃籠玉檻莫教飛去作卿雲

烟容粉態傍歌樓半似窺人半似羞把筆乍題先巧笑  
凭欄微喚不迴頭吹乾玉笛香猶在槌破靈鼉愛未休  
更得黃鸝將粉蝶東西南北說風流

澹黃容止間深檀妥媚香紅露未乾和淚似嫌春漸老  
向人如說夜來寒粧成有樣教天媛體絕無心下國蘭

針繡筆描俱未是好風相倚笑邊鸞

錦爲行障繡爲衾不殺猩猩色已深花譜揚名居一品  
藥欄纔見賞黃金誰忘正爲褰珠箔得意惟能挑玉琴  
洛水橋南三月裏兩無言語各知心

風排香陣拂瑤墀御苑新晴爛漫時十五素娥羞水  
色三千紅面洗胭脂官腰暎酒思輕舞檀口偎牋欲詠  
詩鐵石心腸爲君變多情多恨一枝枝

水精冠葉鏤春冰巧思鏤研做未能風研紅綃光點血  
暖銷金鏤細含稜韶容旖旎終無比晚艷低徊更可惜  
戲脫仙衣親手覆香身柔軟力難勝

春風平地滿花仙紅裏生香下九天  
艷欲背身垂玉筍  
動如移步索金蓮含情待去爲雲雨  
忍笑佯來聽管絃  
鵬月輕舉應不慣夜深渾擬傍羣眠

許多顏色近春嬌就裏輕紅最口饒  
生處地須名紫府  
落時竟想返青霄霞英散焰燒纖手  
藥粉飄香著步搖  
輕剪自憐支節痛倚煙啼露一無悵

牡丹詩後序

牡丹本木芍藥擅名於唐開元天寶間  
詞人才子竟爲  
賦詠若李翰林舒元興李山甫皆馳騁  
於文苑儒林中  
聖宋翰林主人僕射文安公牡丹詩十  
首體制風雅不

讓前賢編集浩大未遍傳於天下之口觀其詞彩濬發  
千態萬狀規澁刺倖得詩人之微旨噫草木之英無瑞  
時濟俗之用而當世之盛一賞一翫有破產移風之轟  
詩之麗以則採之者宜精詳之 廣平寺丞階

文安公緒業字人有扈因刊斯詩于石俾傳諸好事者  
以孟堅受知 文安公命爲序於後孟堅感懼不獲已  
而述時軋輿初紀號孟春月望日前漢中綱紀掾蒲國  
劉孟堅謹序

朝奉郎守國子博士同判原口軍州兼管內勸農事  
上騎都尉賜緋魚袋宋漢臣於天聖九年五月口口

重建

香城禪院主賜紫口口出石

安文晟刻字

自唐以來咏牡丹者多矣未有連章累韻大極鋪揚  
如此者自太白以美人擬牡丹後之咏者類宗之又  
未有比物精工緣情綺靡如此者則十律卽謂之牡  
丹傳神之第一咏亦可也卽其中詩格卑弱體裁浮  
艷時有頤花神之丰采光惟足以當之則惟恨其不  
盡寧厭其過況今之繁眎朱日不啻倍蓰則此詠又  
其嚆矢耳字亦老健清真行法之有典則每群英絢  
爛撫玩吟哦乍覺案上砌頭鼻端舌本互生異境園



林不可少此

墨林  
快事

按廣平僕射文安公者宋白也史傳白字太素大名人建隆二年擢進士甲科乾德初獻文百軸試拔萃高等累官兵部尚書進吏部尚書大中祥符三年丁內艱五年正月卒贈左僕射謚文安有集百卷宋史藝文志及直齋書錄解題並列于目則當宋時未嘗散佚然呂東萊編宋文鑑此詩未載厲樊榭宋詩紀事輯宋白詩僅十一首牡丹詩十首無一存者是百卷之集久無傳而此碑復不顯於世採輯之家所未及也詩後序云廣平寺丞階

文安公緒業謂文安公後人也撰序者劉孟堅自  
云孟堅受知文安公命爲序於後時乾興初紀號  
宋白嘗三掌貢士孟堅當是門下士白之卒在大  
中祥符五年至是孟堅作序距卒後十年此碑宋  
眞宗以天聖九年重建又距作序後十年漢臣不  
知爲文安之諸子與否傳稱白子憲臣良臣忠臣  
此漢臣或亦其兄弟行也

絳州重修夫子廟記

石高六尺九寸四分廣三尺九寸廿二  
行行五十八字至六十一字不等行書

大宋絳州重修夫子廟記

朝散大夫尚書祠部郎中充秘閣校理知軍州兼管  
內勸農事上護軍借紫李垂撰

三墳而下聖人非一首出千古爲聖之至

我夫

子焉周公而上聖曰堯舜曰大禹文王曰湯武周公而  
下曰孔子子沒千百年而迄於今不復生謂聖人者達  
者曰亘萬世終天地不復生謂聖人也蓋周孔之作盡  
之矣後之有如周公如孔子烏越諸道越諸爲過過於  
不及迷大中之用烏聖耶烏賢耶楊朱墨翟之書詳其  
所存亦君臣父子之說然王霸平入倖我天常時惑之  
謂孔墨焉索於辭果肆而爲叛者又奚及耶孟軻荀况

揚雄韓愈之徒正性天質孜孜思及落筆行事推誠型  
人蔚焉而其文光炳焉而其德耀顯晦周變卒持於道  
匪謂聖而謂賢者所謂周孔之作盡之矣止曰大儒曰  
大賢念堯舜之聖得位而治民克受賜於當時禹湯文  
武皆時而已非所謂教補千古法御無窮者故禹沒湯  
喪生物塗地孰愈乎周孔立言天地俱口五材萬類動  
悉其要一日去之中國不夷則狄矣夫周公之法制人  
者也孔子之教誨賢者也祖述憲章知堯舜至仁桀紂  
至暴歸其義君臣治而家國闢下之及斯者爲大賢過斯  
者爲不及所謂亘萬世終天地不復生謂聖人也李唐

承平爵我以王禮我以王禮我攸宜爵我之王未正也

子王

闕下

道王故久焉丘明是以爲素臣子於周王其尊

矣謂天子得曰王孔子得曰王暨厥秦徧皇帝之鄉距

唐靡革若四夷小酉長或將師之負勲者□□□□

孔子何爲尊韓愈唐臣也誌詞於碑不曰王曰孔子言

其是矣維絳古晉之膏壤風物充饒氓庶繁益今其侈

奉於佛滛□□鬼□夫子廟雖

國章下郡縣告

長吏必完其官必欽其祭成不能脩禮進餼而屋隘堂

隙墟如不祀祀將弗恭矣咸平二年朝請大夫尙書□

□郎中上柱國譙國夏侯公濤來□於茲旣恤其四窮

又安其四業知化肅公簡思欲葺祀事行禮容獨以夫

子爲先及廟象弗完念新厥制

下闕

誰曷德祀口而靡侑

曷滛祀口而靡廢面賢識愚肉食凶耻吾將緣口地以

拓其垣墉起崇堂以儼其貞服擗重樓積羣書以誘其

學校架長廊給

下闕

祭口始誠末孰予其之衆庶口詵符

緡百萬輦土斤木奉若公旨四年承奉郎太常博士河

南梁卿昭璉同執郡司貳公之模請制如一

下闕

公遂歸

朝嗚呼梁卿口天厭賢不幸而卒於我廟事墳

焉弗興五年宣德郎尙書都官員外郎汾陽郭侯堯卿

代公而茲三賢同道其

下闕

望封維寧斯效儼南鬼西佛

各推教始彼光佩僑業豐守祿位胡不思之甚歟以是

國朝用檢邦邑淫祀口字悉議除之一穩一極

盡削其職書曰葛伯不祀湯始征之則祀非後者也且  
恕責無他合中而已既弗命祀而祀辜乃如之庶命祀  
而弗祀辜亦如之則四方孰我不供乎移附刑書則萬  
世孰我不供乎君子曰孔子沒亘萬世終天地不復生  
謂聖人也可謂至聖矣王以道弗王以位可謂正名矣  
典祀著法可謂制禮矣垂一命未行

召試閣下

於故梁卿得崇朝視席之遇卿暨同理於絳垂嘗掌法  
於解與夏侯公以夫子廟庠指爲記口口口兼局尋負

報命遠公歸卿卒聖人之門勉志而述亦少補於故鄉  
之意因知夫子沒不復生謂聖人也又知李唐之封非  
尊我下不供也語是三者然薛質義膚庶有成於理

□□□□□□六月癸未朔二十八日庚戌重  
立

晉右軍將軍王羲之書 逸民口跌望集刻

絳州夫子廟記宋人集右軍書聖教序猶是真跡中  
集者此又從序書及他石摹刻形似之外風流都盡  
矣然記得朱紫陽好書孟德書劉其父好魯公書朱  
以時代譏之劉荅固耳吾唐忠臣若漢賊也朱乃屈



笑此夫子廟記不當勝作樊師序耶吾姑爲此石解

嘲

并州山人稿

絳州夫子廟記集王逸少書揭刻手俱精雅第中忽雜以一二草書杜撰不入格宋人僞父之態居然畢

露矣

金石史

按此碑泐其年號但存六月癸未朔二十八日庚戌重立据遼史初考六月之爲癸未朔者在仁宗天聖十年又以宋史李垂傳證之垂字舜工聊城人咸平中登進士第遷著作郎館閣校理累修起居注罷知亳州遷潁晉絳三州明道中還朝出知

解州鹽池新堰箴

碑高七尺五寸三分廣三尺二寸一分十八行行約七十字行書

解州鹽池新堰箴

朝請郎守尙書祠部員外郎充集賢校理知解州軍  
州□□□農□□□□□□□□□□  
袋借紫張□□中尹

晉右軍將軍王羲之書  
後郊跌跌  
集勒

趙郡李蒙題篆

天聖九年冬十月奏請管兩池新堰

詔口口之

越明年春正月擇塩官曰文口口口喜安口口口千  
人責替口而口之歷仲春厥功成壯矣口板築興於口  
口鑿濬於口口口鄆護真海壘之固也烏乎鹽澤之區  
郇瑕之地其利衍沃則三代無取焉自元魏口還更變  
口定口口口口富強專於所入貧弱仰而絕望歸國家  
則侵漁日口刑口口口口是口口口口迭口口唐立  
一定之法重使權益刑名設兵以防之樹棘以禁之置  
屯以給之建官以統之芻粟管藏運絡口口衡石參較

出納萬計官運商載晝夜如流資口口無筭之饒減天下口口賦曰公曰私各有定分侵漁之弊自茲稍息至朱梁干紀昭宗劫遷口口相仍經制無度邇口口薄民賦寡入彊梁乘口得以肆貪守衛協謀公竊相半至是口口口口口口之觀夫鹽數口口口口斯革

太祖以欽承正統削口諸夏

太宗以口隆丕

業奄有四海逮乎

真皇御極

嗣聖纂圖

口口口口口口口口道聲教所口靡不口口口口斯民動雅深辟體漢皇之約法遵成湯之解網昔之苛刻特從末減故下詔計贓罪之死者止從口徒三年

自是近池之人口而獲口者口多矣

皇王之惠

其至也哉夫禁禦稍寬寬則僞出法令經久久則奸生  
奸僞相滋扞犯何極統而口之乃自然之口也去年春  
口有口口州益禁者

口口行之口口口份陰口

軍口口口供奉官蔡公口領池事偶一日舉職餘閑因  
歷覽而議之曰樹棘爲禁其可固乎設兵爲防其可口  
乎不忠不固則表裏之口口口爲其禦哉且峻刑辟而  
疎禁衛則民口口利而口之口口衆矣斯何口口口咎  
以陷飛走之類乎何哉蓋利誘其人茫茫然殺者不知  
乎口口生者不知乎苟免若然則下口之弊急可救之

矣救□□□在乎設隄防以塞民欲民欲既塞□盜禁  
之刑於茲而自錯矣苟至□□□是謂民安而刑清非  
一時之利乃萬世之利也蔡曰設防之□□乎曰未若  
起堰於上浚壕於下使外不能入□□能出□□□騎  
精卒巡守要害自□人無其心而奸僞息矣夫如是□  
□□可□蔡曰諾縣是卽日議定其狀馳駟以聞屬

二聖□育元元惠綏于懷乃眷勤請遽下命而營  
成之自是□□□□□略無犯者□新其堰者非心護  
其寶也抑亦護其民也具中人之性者必知之矣既知  
之則可□相誨導俾遷善而無犯也不然則網罟之陷

易如反掌耳故爲益池新堰箴以勗之其□□

益池渺瀰環圓百里種敏千夫出口萬計因曰脂膏乃  
生奸弊奸弊旣生法令斯啓孰謂其嚴設兵邏之孰謂  
其峻樹棘□□□□□兵多自欺連延公竊開張禍  
基□□侍臣協□□獻

帝命曰俞俾營新堰乃

立制度乃分程限期以三旬厥功可建詢擇總領曰恩  
曰鼎霜肅威稜風嚴號令奮鋸交飛役□□□□下  
浚如城□池新堰伊何其利孔多□爲□盜無得□過  
昔也龜禁如張網羅今也固護如登太和勉旃解人口  
□天真勿念□□念乎溷□勿思鹽寶思乎害身聞斯

行諸揚之□□

大宋天聖十年歲次壬申十月己亥朔五日癸卯記  
碑半已磨損今案其序鹽澤之守設兵以防之樹棘  
以禁之置屯以飲之建官以統之與宋史食貨志參  
較所云巡邏之兵百人目爲護寶者合而新堰修建  
則又以設防滋弊故易之而便利于民也今史獨軼  
此事何與序言卽日議定其狀馳驛以聞又云乃眷  
勤請遽下命而營成之當時改制之規奉命于上而  
又獲有成效不宜盡沒其實使才臣計畫不著於世  
也碑前題銜朝請郎守尙書祠部員外充集賢校理



知解州軍州

下缺

騎都尉賜緋魚袋借紫張

名又有仲

君字蓋其奏請營兩池新堰在天聖九年冬十月而

碑記之立則在十年十月兩池者解縣安邑也集勅

字人拓本過輦重不可辨是役也以箴詞內云總領

曰恩曰鼎殆一時之人任事者故并著之亦以吾儕

喜發人之名因事輒見如此

授堂金石三版

按兩池築新堰宋史食貨志不詳山西通志鹽法

門載畦池之制五幅爲塍塍有渠十井爲溝溝有

路泉之爲畦醜之爲門池如仰孟畦居難際地勢

南卑於北畦旁各開水爲港長與畦等汲引水上

畦底如砥邊封爲埂中復留陸以段分之此治畦  
之法如此而亦不詳築堰之事要之池鹽澆曬全  
藉蓄水則築堰爲蓄水之良法此碑可補河東鹽  
法紀載所未備此碑與前碑重修夫子廟記皆集  
右軍書而此摹勒較勝惟所題後郊趺趺集勒者  
殊不可曉

金石萃編卷一百三十終